



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

XXXVIII. Patribus Ordinis Fratrum Minorum Sancti Francisci Excalceatorum
Recollectorum, qui saltem vel Indicam Provincias Vicarii Provincialis
munere fungentes gubernarint, conceditur Provinciæ ...

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

1731.
tione Eccle-
siastici qui-
cumque, &
Notarii com-
prehendan-
tur.

confirmatam, Ecclesiasticos tam Sæculares quam Regulares dictæ Legationis Bononiens., & quoscumque Notarios, etiam Curie Archiepiscopalis comprehendere, eadem auctoritate tenore præsentium decernimus & declaramus; ita tamen, ut ad normam resolutionis die 31. Julii 1711. a dicta Congregatione particulari Prælatorum captæ, ubi agitur de personis Ecclesiasticis, ipsi Constitutioni contravenientibus, firma semper remanente nullitate præscripta in ejusmodi Constitutione in casu defectus Archiviacionis, Ven. Frater modernus, ac pro tempore existens, Archiepiscopus Bononiens. procedat ad alias penas, inflictas in prædicta Constitutione, cum hoc, quod applicatio pœnarum fiat semper favore Archivi præfati, prout in eadem Constitutione demandatur, excepta tamen jurisdictione Commissarii in ipsa Constitutione statuta, in qua idem Archiepiscopus se ingerere non possit.

Clausulæ.

§. 2. Decernentes quoque, easdem præsentis literas semper firmas, validas & efficaces existere & fore, suosque plenarios & integros effectus sortiri & obtinere; ac illis, ad quos spectat & pro tempore quodcumque spectabit, in omnibus & per omnia plenissime suffragari, & ab eis respective inconcussè observari; sicque, & non aliter, in præmissis per quoscumque Judices ordinarios & delegatos, etiam causarum Palatii Apostolici Auditores, ac Sanctæ Romanæ Ecclesiæ prædictæ Cardinales, etiam de Latere Legatos, eorumque Vicelegatos & quoscumque alios, qualibet præeminentia & potestate fungentes & functuros, sublata eis & eorum cuilibet quavis aliter judicandi & interpretandi facultate & auctoritate, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 3. Non obstantibus Constitutionibus & Ordinationibus Apostolicis, necnon quarumvis Ecclesiarum, Monasteriorum, Ordinum, Congregationum, Societatum, etiam Jesu, & Institutorum, ac quibuslibet aliis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indulgiis, & literis Apostolicis, ac exemptionibus & immunitatibus, etiam in corpore juris clausis, quibusvis generaliter vel specialiter concessis. Quibus omnibus & singulis, illorum tenores præsentibus pro plene & sufficienter expressis, & ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud S. Mariam Majorem sub annulo Piscatoris die 23. Maji 1731. Pontificatus nostri anno Primo.

F. Card. Oliverius.

XXXVIII.

Patribus Ordinis Fratrum Minorum Sancti Francisci Excalceatorum Recollectorum, qui saltem per biennium Hispaniam vel Lusitanicam vel Indicam Provincias Vicarii Provincialis munere fungentes gubernarint, conceditur Provincie Patres appellari: iidemque, quibus isti gaudent, frui prærogativis ac præeminentiis.

Quæ hac super re statuerat Urbanus VIII. anno 1633. die 3. Decembris, legere est ex ipso harum Literarum contextu.

C L E M E N S P A P A X I I .

Ad futuram rei memoriam.

Dat. die 29.
Maji 1731.
Pont. I.Expositio
Procura-
toris Gene-
ralis, seu fa-
cti series.

Exponi Nobis nuper fecit dilectus filius Gildardus Duffos, Procurator Generalis Ordinis Fratrum Minorum Sancti Francisci Excalceatorum

& Recollectorum, quod in Provinciis Excalceatorum dicti Ordinis ad Hispaniam, Lusitaniam, & Indicas Nationes pertinentibus, ii, qui Vicarii Provincialis munere functi sunt, titulo & præeminentiis Patrum Provincie minime gaudent; ideoque fel. rec. Urbanus PP. VIII. Prædecessor Noster per quasdam suas desuper in simili forma Brevis die 3. Decembris 1633. expeditas literas, quarum initium: *Religiosos viros &c.* nullum in prædictis Provinciis præeminentiis hujusmodi, nisi qui Minister Provincialis fuerit, frui & gaudere declaravit; & antea idem Urbanus Prædecessor per alias pariter suas literas in simili forma Brevis, die 13. Augusti 1625. emanatas, quæ incipiunt: *Credidit humilitatis &c.* facultatem liberam Superioribus Generalibus concessit, ut in casu vacationis Ministeriatus Provincialis in primo anno sui officii, vel iterum convocarent Capitulum pro electione novi Ministri, qui triennium abolveret, vel per Deputatos Vocales Vicarium Provinciale eligi curarent, qui pariter per residuum triennii cum omnibus facultatibus & oneribus Ministri Provincialis, solo nomine deficiente, gubernarent, & hæc secundo dictæ Urbani Prædecessoris literæ ad evitandas expensas necessario faciendas, si intra annum duo Capitula Provincialia celebrarentur, jam regulariter servantur; & alias, prout in binis ejusdem Urbani Prædecessoris literis, quarum tenores præsentibus pro plene & sufficienter expressis, ac de verbo ad verbum insertis haberi volumus, uberius dicitur contineri. Quare prædicti Vicarii Generales revera onus Ministeriatus portant non secus, ac si essent Ministri aliquando per biennium, quinimo & per fere triennium, ut recens in Provincia Sancti Gabrielis, & in illa Sancti Josephi ejusdem Ordinis accidisse memoratur, decedente in prima Ministro Provinciali infra mensem, & in secunda, Provinciis, infra semestrem ab electione respective, quin præmium ob solum nominis defectum reportent.

§. 1. Cum autem, sicut eadem expositio subjungebat, dictus Gildardus, considerans congruum esse, ut qui pares sunt onere, pares sint & honore, nomine etiam dictarum Provinciarum, prædictas Urbani Prædecessoris literas, ut eis non obstantibus, illi tantum Vicarii Provinciales, qui ultra biennium Provinciam gubernarunt, vel imposterum gubernaverint, titulo & præeminentiis Patrum Provincie, post eos vero, qui Ministri Provinciales ante vel post eorum Vicariatum fuerint, gaudere debeant per Nos moderari, & concedi summopere desideret; Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignemur. Nos igitur dicti Gildardi votis hac in re, quantum cum Domino possumus, benigne annuere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes & absolutum fore censentes, hujusmodi supplicationibus inclinati, de venerabilium Fratrum nostrorum S. R. E. Cardinalium, negotiis & consultationibus Episcoporum & Regularium præpositorum, qui referente dilecto filio nostro Ludovico ejusdem S. R. E. Cardinalis Belluga nuncupat. rem undique mature discusserunt, consilio, ut Patres, qui saltem per biennium Provinciam uti Vicarii Provinciales gubernarunt, completo officio vocentur, & Patres Provincie sint, cum prærogativis, quibus isti gaudent, auctoritate Apostolica tenore præsentium decernimus & statuimus: salva tamen semper in præmissis auctoritate Congregationis eorundem Cardinalium.

Urban. VIII. declar. nullum in prædictis Provinciis præeminentiis Provincie sui posse nisi fuerit Minister Provincialis. Insuper, ut vacante primo anno sui officii Ministeriatus Provincialis, Vicarius Provinc. per Vocales eligetur.

Vicarii Generales revera onus portant Ministeriatus.

Expositio præsentis.

Concessio per SS. D. N. de qua supra.

§. 2. De-

§. 2. Decernentes pariter, ipsas presentes literas firmas, validas, & efficaces existere & effectu suo plenarios & integros effectus sortiri & obtinere; & illis, ad quos spectat, & pro tempore spectabit, in omnibus & per omnia plenissime suffragari, & ab eis respective inviolabiliter observari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 3. Non obstantibus praedictis Urbani Praedecessoris literis, aliisque Constitutionibus & Ordinationibus Apostolicis; necnon, quatenus opus sit, Provinciarum & Ordinis praedictorum, etiam juramento, confirmatione Apostolica, aut quavis firmitate alia roboratis statutis, & consuetudinibus, privilegiis quoque, indulgentiis, & literis Apostolicis in contrarium praeforum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac ad verbum insertis habentes, illis alias in suo robore permanens, ad praemissorum effectum hac vice dumtaxat specialiter & expresse derogamus, caeterisque contrariis quibuscumque.

Datum Romae apud Sanctam Mariam Majorem sub Anno Piscatoris die 29. Maji 1731. Pontificatus nostri anno Primo.

F. Card. Oliverius.

XXXIX.

Ducatus Parmae & Placentiae cum utili Dominio ad Sedem Apostolicam cum omnibus juribus, pertinentiis &c. devolutus declaratur, quatenus ex Henrichetta, ejusdem Ducatus Ducissa, masculina proles non nascatur: vel nata, deficere contingat &c.

Dat. die 20. Junii 1731. Pontif. I.

CLEMENS PAPA XII.

Ad futuram rei memoriam.

Ducatus Parmae & Placentiae Farnesiae Domui in Feudum masculinum datus;

Cum bon. mem. Antonius Farnesius, ultimus, dum viveret, Parmae & Placentiae Dux, nulla relicta prole masculina, sed dilecta in Christo filia Nobili Muliere Henrichetta Estensi conjuge sua, Parmae & Placentiae Ducissa vidua, utero, sicut accepimus, gerente, ab humanis non ita pridem decesserit; incertum autem sit, an ipsa Henrichetta Ducissa virilis sexus prolem, quae in ejusmodi Ducatu Parmae & Placentiae, juxta legem Investiturae de eo, Domui Farnesiae in Feudum masculinum a fel. rec. Paulo Papa III. Praedecessore Nostro, & Sede Apostolica concessa, succedere valeat, in lucem sit editura; Nos ejusdem Sedis juribus ac rationibus pro commissa Nobis caelitus Apostolici ministerii sollicitudine in omnem eventum mature salubriterque prospicere volentes: tamen, ut omnibus notum ac perspectum est, probe sciamus, quod si proles masculina non nascatur, vel nata postmodum deficiat, praefatus Ducatus Parmae & Placentiae cum omnibus ejus Civitatibus, Oppidis, Terris, locis, membris, jurisdictionibus, juribus, annexis, connexis, & dependentiis universis, de quibus dicti Antonius Dux & Domus Farnesia ab ipso Paulo III., aliisque Romanis Pontificibus Praedecessoribus Nostri, & hac Sancta Sede, investiti fuerunt, seu illos & illa a Sede praedicta in feudum masculinum hujusmodi tenuerunt & habuerunt, ad eandem Sedem & Cameram Apostolicam, tum ex forma supradictae

Investiturae seu aliarum Apostolicarum concessionum de eis factarum, tum vigore Constitutionum Sancti Pii V. quarto Kalendas Aprilis anno Incarnationis Dominicae MDLXVII. Pontificatus sui anno secundo, aliorumque itidem Praedecessorum Nostrorum successive editarum, eo ipso revertatur & revertantur, ac devolvatur & devolvantur, utique eorum dominium cum directo consolidetur, etiam absque alia ulteriore pro parte dictae Sedis acceptatione, declaratione, ac possessionis apprehensione, prout disponitur in praefatis Constitutionibus, ad quas in omnibus & per omnia relationem haberi volumus: Nihilominus pro potiori cautela, juraque juribus addendo, ac memoratis Constitutionibus inherendo, si, & quando prolem masculinam ejusmodi non nasci, vel natam postmodum deficere contingat, praedictum Ducatum Parmae & Placentiae cum Civitatibus, Oppidis, Terris, locis, membris, jurisdictionibus, juribus, annexis, connexis, ac dependentiis praefatis, ex nunc prout ex tunc ad eandem Sedem Apostolicam reversum & reversa, devolutum & devoluta, ac utile eorum Dominium cum directo consolidatum esse auctoritate Apostolica tenore praesentium decernimus & declaramus, ac reversionem, devolutionem, utilitatem cum directo Dominio consolidationem ejusmodi acceptamus; Mandantes propterea ex nunc pariter, prout ex tunc, omnibus & singulis dicti Ducatus Parmae & Placentiae Communitatibus, Universitatibus, Gubernatoribus, Praetoribus, Magistratibus, Capitaneis, Castellanis, caeterisque Officialibus, ac universis tam Laicis quam Ecclesiasticis, Sacularibus & Regularibus personis cujuscumque Dignitatis, etiam Episcopalis, ac status, ordinis, & conditionis existentibus, & quavis auctoritate, potestate, aut munere fungentibus, in virtute Sanctae Obedientiae, ac sub indignationis Nostrae, aliisque a jure & Apostolicis Constitutionibus inflictis poenis, ipso facto per transgressores incurrendis, ut eo casu eveniente, neminem alium, quam Nos seu Romanum Pontificem pro tempore existentem, ac Sedem praefatam, in suum, ac dicti Ducatus Parmae & Placentiae verum legitimum ac absolutum Dominum agnoscant, agnoscere audeant vel praesumant: Nobisque dumtaxat, seu eidem Pontifici pro tempore existenti, ac Sedi Apostolicae, uti fideles decet subditos, nec cuiquam alteri, pareant & obediant; nullatenus attentis omnibus iis, quae nullatenus injuste, ac de facto in contrarium hactenus attentata fuerunt, & forsitan in posterum per quemcumque quomodolibet attentari possent. Quocirca dilecto filio Nostro Georgio Spinula Tituli Sanctae Agnetis S. R. E. Presbytero Cardinali Sanctae Agnetis nuncupato, moderno, seu pro tempore existenti in Civitate & Comitatu Bononien. Nostro, & dictae Sedis de Latere Legato, ultra facultates, ipsi Georgio Cardinali quoad eundem Ducatum per Nos alias concessas, quas firmas & salvas esse volumus, & ad pro tempore existentem Legatum hujusmodi tenore praesentium extendimus, harum serie auctoritate praefata committimus atque injungimus, quatenus ipse in eventum hujusmodi, insistendo pro jurium Apostolicorum tuitione ac conservatione eatenus in dicto Ducatu gestis, per se vel per dilectum filium Magistrum Jacobum Oddum Nostrium, & ipsius sedis Notarium Protonotarium nuncupatum de numero participantium, ac in eodem Parmae & Placentiae Ducatu Commissarium, seu alium vel alios ab eis deputandum vel deputandos, pro uberiori similiter cautela, corporalem, realem, & actualem possessionem Ducatus, Civitatum, Oppidorum, Terrarum, locorum, caeterorumque praefatorum, Nostri, seu Romani Pontificis pro tempore

Ipo jure ad Sedem Apostolicam devolutus, quatenus ex ultimi Ducis Vidua masculina proles non nascatur.

Pro potiori cautela adjecta hujusmodi conditione acceptatur.

Mandatur Ducatus ejusdem Vallis, ut eo eveniente casu neminem praeter Sedem Apostolicam agnoscant &c.

Commissio Bononien. Legato de possessione capienda.